



Եղիշե Չարենց

Երբ չկայիր կարծես դու՝ դոյակում հոգու

Երբ չկայիր կարծես դու՝ դոյակում հոգու

Անշունկ քնած,

Քո՛ւյր, իմ հոգին, աստղային, որպես նինջը քո

Կապույտում մնաց:

Պատուհանից դոյակի ես տեսնում էի

Երկինքները բիլ:

Շրթերիս մեջ, հոգուս մեջ մի խոսք ունեի.

Քո՛ւյր, քնի՛ր, քնի՛ր...

Միայն զգում էի ես՝ լուռ, տրտում այնպես՝

Որ ամեն ինչում

Քո լուսավոր էության հարազատ ու հեզ

Կապույտն է շնչում:

Եվ չկայիր կարծես դու՝ դոյակում հոգու

Անշունկ քնած:

Քո՛ւյր, իմ հոգին, աստղային, որպես նինջը քո

Կապույտու՛մ մնաց: